

**ANALYSIS LIBRI
III COD. DE IURE
REIPUBLICAE:
LIB. XI**

Gottfried Stösser, Johann Wilhelm
Mertz



REIPVBLICÆ
S. ROM. IM-
PERII

LVMINIBVS

ET

COLVMINIBVS

OPT. MAX.

EMINENTISSIMO ET
SERENISSIMO PRIN-
CIPÍ ET DOMINO
DOMINO

JOHANNI PHILIPPO

S. SEDIS MOGVNTINÆ
ARCHIEPISCOPO, SACRI
ROMANI IMPERII PER
GERMANIAM ARCHI-
CANCELLARIO

ET

ELECTORI
EPISCOPO WVRTZ-
BVRGENSI,

ET

WORMATIENSI
FRANCIÆ ORIENTALIS
DVCI, &c. &c. &c.

ET
REVERENDISSIMO CELSISSI-
MOQUE PRINCIPI ET DOMINO
DOMINO.

LOTHARIO FRIDE-
RICO,

EPISCOPO SPIRENSI,
COADJUTORI AC SVCCES-
SORI MOGVNTINO,
PRÆPOSITO WEISSEN-
BURGENSI ET ODEN-
HEIMENSI

SACRI ROMANI IMPERII
PRINCIPI &c.&c.&c.

DOMINIS MEIS CLEMEN-
TISSIMIS DEVOTISSI-
MA OBSEQUIA.

EMINENTISSIME
PRINCEPS ELECTOR
ET
REVERENDISSIME PRIN-
CEPS COADIUTOR
PRINCIPES ET DOMINI
MEI CLEMENTISSIMI.



I has pagellas dignas pu-
tarem quæ Vestris of-
ferrentur oculis, merito
aditu

aditu Vestro ceu ineptum & impudentem, arcerent me, qui Vobis sunt ab admisionibus. Sed longè alia est huius consilii ratio. Quis enim miretur, si homo qui se Vobis natum meminit, qui Vobis viuere & seruire, vnâ voti & fati sui legem agnoscit, Veneranda omnibus sæculis nomina Vestra, semper in animo, semper in lingua habet, & à sacro Vestro ore spiritum suum pendere cupit? Hæc quam cum ipsa vitali aura hausi, quam institutione ac disciplina meditari ac firmare studui, pietas nec DEO ingrata, nec qui DEI vices in terris gerunt, magnis Principibus solet asper-

aspernabilis videri. Et sane de
J V R E R E I P V B L I C Æ,
mihi Justiniano nouo commen-
tanti animus sponte altius erigi
cœpit, ut ad Nobiliores & excel-
lentes pro republica Regnatri-
ce curas, quibus animi Vestri
continenter occupantur, respice-
rem, & quæcunque Augustissi-
mo Imperatori, & Imperio pro-
futura destinatis consilia, bene
feliciterque euenire, optarem.
Non decebat disiungi nomina,
quæ in Ecclesiæ ac Imperii salu-
tem DEVS & homines Diuino
ductu gubernati, & vota Reipu-
blicæ, qua nulla est in toto orbe
augustior, coniunxerunt, & ne-
cessi-

cesitudine priuatis modulis in-
enarrabili colligarunt. Hoc est
ipsum publicum Prudentiæ &
virtutis Vestræ summæ testimo-
nium; quod coniungi, quod una
conspici, vna coli, volupe Vobis
est. Sed mihi aliud nihil est propo-
situm, quam supplicare EMI-
NENTIÆ ET CELSITV-
DINI VESTRÆ, ut ignosce-
re velitis, quod pietatis Vobis
deuotissimæ impetus non potui
continere quin erumperent, &
in publica vota redundarent.
Deus firmet Rempublicam, id
est, Vos duo columnina Reipu-
blicæ, sufficiat. Deus illustret
Rempublicam, id est, Deus Vos,

A

bina-

bina sidera lucere faciat ab oriente in occidentem, ab annis ad annos, donec cœlum stellis splendet, mundus virtutibus ornabitur, fama meritorum prædicatione personabit. DEVS Vos conseruet, EMINENTISSIME ET REVERENDISSIME PRINCIPES, Imperio, terris ditionis Vestræ, & mihi clientum & seruorum

EMINENTIÆ ET
CELSITVDINIS
VESTRÆ

minimo subiectissimog,

Joanni Wilhelmo Mertz
Moguntino,



I. N. D. N. J. C.
ANALYSIS LEGIS III. COD.

DE

JVRE
REIPVBLICÆ

LIB. XI.

TEXTVS.

IMPERATOR ALEXANDER A.
SALVININO.

Empublicam, vt pupil- *Verba Legis*
lam, extra ordinem iuuari,
moris est.

EXPLICATIO VERBORVM.

Alexander Imperator] intelligitur sine dubio hic *Verborum*
Alexander Seuerus Mammææ filius, inter bonos *Explicatio*
legislatores & diligentes habitus: cuius vitam *Lampridius*
& *Herodianus* aliique tradidere. Factus est Imperator
A.C. 222. Occisus 235. Tempus rescripti præcisè acce-
ptum, ex historia reperiri nequit.

Augusti cognomen ex merito partum, hic quoque loco & causâ solenni apparet.

De Saluinino, cui rescripsit Imperator, mihi nihil compertum. *Cujacius* in comment. ad h. l. pro *Saluinino* reposuit *Saturninum*.

Sed nobis non tam quis & cui rescripserit, quam sententia Rescripti c ordi esse debet.

Igitur loco generalium verba legis explicabimus,

Rempublicam] intellige non *Romanorum*, secundum quosdam, sed *verius aliarum ciuitatum*. *Perezius* ex serie titulorum ostendit: *Antecessit*, inquit, de *iuribus & Privilegiis utriusque Roma & Alexandria ciuitatis*, sequitur de *iuribus aliarum ciuitatum*, nam *Respublica* hic de ciuitate accipitur. Quid haerent hic interpretes? ait *Cujacius*: *Respublica* quamlibet ciuitatem significat. Quo sensu etiam toto hoc titulo accipitur vox *Reipublicæ*. Accedit quod de ea restitutione sermo est, quæ sit per iudicem aut Principem: siue de ea, in qua restituens superior intelligitur. Igitur non potest propriè intelligi *Respublica* in excellenti illo significato sumpta, quo neminem recognoscit superiorem. Vnde nec talis *Respublica* restitui potest aduersus Principem *L. ult. C. qui & aduersus quos*, imò talis *Respublica* implorat auxilium *L. 4. C. quib. ex caus. maj.* At *Respublica* *aduersus* non implorat auxilium superioris, quem neminem agnoscit. Quid *Respublica* hic notet, Vid. *D. Ioann. Mauricius de restitu. in integr. Cap. 417.* quid iuris sit in villis & castris, an hæc Jure *Reip.* vel minorum habenda, quærit & post multa & varia allegata, adhibita distinctione decidit *Sichard. ad C. l. 4. quib. ex caus. maj.*

Subauditur autem hic, *lesam, circumuentam*. Non enim restituitur, nisi qui læsus & circumuentus est, Vocibus

cibus his liberalius sumptis. Potest enim aliquis ladi à se ipso, dum ἐμποδισματα plenæ voluntatis varia obijci possunt. Non autem semper enormem læsionem requiri, sed restitutioni locum esse, etiam ubi modicum damnum minor subierit, pro qualitate personæ & negotii, tenent *Rebuffus gloss. 2. Tom. 3. Tractatum de restit. in integ.* & *Gabriel Madaus ad L. minoribus C. in quib. caus. rest. ibid. p. 70.* Contrarium tenet *Ioann. Petr. de Ferraris ibid. p. 201.*

Extra ordinem iurari] id est restitui in integrum. dicitur in *L. 8. D. de minor. Auxilium, opitulatio, L. 1. pr. L. 3. §. 4. & auxilium extraordinarium L. 16. pr. D. eod.* Succurri etiam dicitur restituendis *L. 108. D. de R. I.* Est enim restitutio in integrum remedium extraordinarium, quo prator æquitatem naturalem secutus, homines vel lapsos, vel circumscriptos, siue metu, calliditate, siue etate, siue absentia, siue minima status mutatione, siue alienatione judicij mutandi causa facta, siue justo errore, aut alia justa causa inciderint in læsionem, in eum statum, in quo ante læsionem erant, causa cognita reponit. Quam descriptionem ex ipsis legibus extruxit *Nucleus Amplissimi Biccij Lib. 4. pr.* definit & explicat definitionem fusè *D. Ioann. Mauricius de Rest. in integ. c. 1. & Franciscus de Caldas in comment. analyt. ad L. si curatorem C. de in integ. rest.* Extraordinarium remedium vocari nonnulli statuerunt, ideo quod juri communi & æquitati contraireret: sed refutantur à *Ioanne Mauricio cap. 2. Sfortia Oddo part. 1. Q. 1. Art. 14. Franciscus de Caldas, in comment. analyt. in L. si curatorem C. de in integ. rest. minor. verbo implorare in integ. restitut. n. 8. tractatum de in integ. Rest. Tom. 4.*

Moris est] id est juris consuetudine introducti:

Princeps enim eas leges obtinere voluit, quas vel Judiciorum frequentissimus ordo exposuit, vel longa consuetudo Urbis Romanæ approbavit *L. 2. §. nullat aque C. de V. I. E.* Quin & Imperator id statuit in Legis constitutione, quod moris siue consuetudinis est: plenius id exprimit *l. 4. quib. ex caus. maj.* ibi Respublica minorum Jure uti solet id est usui obtinuit, ut utatur.

Ut pupillam] alii legunt *pupillum*. dicitur pupilla quæ infra 12. & pupillus infra 14. ætatis annos consistunt *pr. Inst. quib. mod. tut. fin. l. fin. C. quand. tut. vel Curat. l. 4. D. de ritu Nupt.*

E. Cur non dixit Imperator; *Rempubicam ut minorem* remedio extraordinario juvari, verum est? sicut dixerunt antea Imperatores in lege huc *ἐκ παλαιότητος* pertinente: *Respublica minorum jure uti solet, ideoque auxilium restitutionis implorare potest l. 4. C. quib. ex caus. maj.* Respondebo primum, nec interrogari hoc recte neque responderi scientificè posse. 2. Si aliquid tamen dicere licet, conveniunt hætenus pupilli & minores quod omnis pupillus minor: licet non contra. Vnde vocabulum pupilla in hoc loco non dispositivum sed enunciativum esse credit *Dn. Neuenhan*, cum quod hic de pupilla dicitur, illud alibi de minoribus effertur. apud *Fritsch. l. P. part. 2. exerc. 2. th. 23. de jure Reipublicæ.* 3. quia utraque vox *minorum* & *pupillorum* ad favorem restituendorum comparata est, possit in pupilli appellatione plus favoris existimari: quo enim minor ætas, eo major *συμπαθείας* causa & uberior æquitatis ratio.

Quamquam hæc comparatio Reipublicæ & pupilli non debet extendi ultra scopum: videturque exempli potius causa, quam particularis per membra congruentiæ ergo fieri. Habe-

Habemus sensum legis: Civitates vel Respublicas ex latione restitui in integrum ut minores. Rationem legis duplicem affert laudatus modo Dn. Neuenhan: 1. quia in Republica multi inveniuntur pupilli & minores, quibus restitutio in integrum competat. 2. quia Respublica administratores habeat, qui loco tutorum & curatorum sint. Ratio prior remotior videtur, nec satis valida consequentia; si dicas, cujus pars aliqua restituitur, illud totum quoque restituitur.

Progredimur nunc ad specialia, & casum ponamus: & quem potius, quam illum ex Glossa Viuiani: ad L. 4. Cod. quib. ex caus. maj. Procurator Reipublice civitatis Romae contraxit & deceptus est, an Respublica restitui possit, queritur: R. quod sic. exemplo minoris, cui potest comparari Respublica.

Rationes dubitandi non leves adferri possunt. I. quia tres restitutionum cause, nempe vis metusque, lubricum ætatis, error (V. Iacob Gothofred ad l. 116. comment. ad R. I.) non æquè videntur cadere posse in Rempublicam ut in minores. Certe tales casus in legibus vix spectantur. Et quando procurator in contrahendo deceptus est, non ipsa Respublica erravit. Ita si Syndicus Reipublicæ in ius vocatus ab initio quidem defensionem interfuerit, postea autem causam deseruerit, nec vis, nec error intercessisse videri potest. Lubricum autem ætatis de Republicâ dici nequit.

Rationes
dubitandi.

II. Civitati seu Reipublicæ, etiam si detur restitutio, obstat tamen exceptio SCti Macedoniani l. 15. D. ad SC. Maced. quæ minori non obstat. l. 11. §. 7. de min.

III. Reipublicæ non conceditur restitutio adversus fiscum, quæ tamen minori conceditur. l. 45. §. fin. D. de iure fisci.

IV. Pu-

IV. Pupillo non currit præscriptio *l. fin C. quib. in caus. Reipublicæ currit, l. 4. C. de præscript. 30. vel 40. annor.*

V. Minori datur majus tempus. *l. 7. C. de temp. rest. quàm Reipublicæ Clem. 1. de restitut. in integrum.*

VI. Minores habent tacitam hypothecam in bonis curatorum. *l. 20. C. de administr. Tut. l. un. §. 1. C. de rei uxor. act. ciuitas non habet in bonis administratorum l. 2. C. de iure Reip. nisi ex speciali priuilegio*

VII. Sunt qui Reipub. restitutionem in contrahibus simpliciter denegant. *V. Treutlerum Diss. II. thes. 8. in fin.*

VIII. Colliguntur & alia in quibus Respublica plus iuari solet quam pupillus, ut comparatio ista non æquis pedibus currere videatur.

IX. Posset & inde argui hæc ratio legis quod Respub. jure minorum utatur, quia non minores tantum, sed majores quoque in integrum restituantur *l. 3. C. quib. ex caus. maj.* plures dubitandi rationes, subjunctis restitutionibus proponit *Sichard. ad Cod. l. 4. quib. ex caus. major.*

Rationes decidendi.

Pro *Rationibus decidendi* valere possunt sequentia.
I. Qui ex æquo sæpius & facilius per eos quorum opera utuntur, lædi solent, illis *ἐυλόγως* idem remedium attribuitur. Sicuti autem minorum fragile & infirmum consilium & multis captionibus suppositum, multorum insidiis expositum est, qui propterea extra ordinem iuantur *pr. D. de minor.* ita Rempublicam, administratorum & Syndicorum, quibus sua committit negotia, culpa sæpè desertam aut circumscriptam esse, vel casus legum

legum in D & C. ubi de ciuitatum administratoribus & negotiorum gestoribus agitur, abundè restantur, quæ res ex pari æquitatis fundamento parem legislationem peperit.

II. Jus minorum, ut in l. 4. C. ex quib. caus. maj. appellatur, est jus fauorabile. Fauores autem, quo ad plures porriguntur, eo plus rationis videntur habere. Vnde summa ratio est, quæ pro Republica facit, & pro jure Reipublicæ, supremæ quidem potissimum, à qua in subditos sparguntur fauoris publici radii. Facit huc grauissima Imperatoris sententia *Novella de mandatis Principum XVII. c. 1. sicut priuatos iniustitiam passos adiuuamus, ita & publicum illesum manere volumus.*

III. Quapropter in pluribus rebus aptè à minoribus ad rempublicam deducta est juris ratio e. g. sicuti debitor pupilli non accedit ad tutelam *Auth. minoris debitor. C. qui dari tutores possunt.* ita nec debitor Reipublicæ ad administrationem aut honores admittitur. l. 6. §. 1. D. de munerib. & honor. l. 1. C. de debit. ciuit. Sicut tutor tutelam gerere cogitur. l. 1. D. de adm. tut. sic in Republica cogitur quis munus injunctum gerere. l. 9. D. de mun. & hon. l. 18. C. de decurion. lib. 10. Minores & Reipublicæ administratores de non liquido transigere possunt. l. 56. §. 4. D. de furt. l. 12. C. de Transact. sententia contra minores & Rempublicam indefensos nulla est. l. 1. C. de iure Reip. lib. XI. l. 6. C. quomodo & quando Index. præscriptio quinquennii contra statum defuncti utrique currit. l. 6. C. ne de statu defuncti utrique edictum ædilitium datur. l. 1. §. 3. 4. 5. D. de edil. edict.

Nec valide obstant quæ ante sunt allata. Ad I. Respondetur
enim possis dicere, non enumerari omnes causas resti-
tutio. ad rationes
B dubitandi.

tutionum, sed præcipuas à *Gothofredo*. Neque rectè ista verba exclusivè accipi. Deinde cur non possit Syndico aut procuratori Reipublicæ metus injici, aut vis inferri, non videmus. Quamvis enim rarioris generis sit hic casus, pro impossibili tamen haberi nequit. De errore res est etiam manifestior. Quamvis enim non præsumatur Respublica tam facile labi, tamen, si de læsione constat, quod hîc semper intelligitur, frustra de loquimur, quod præsumatur aut non præsumatur. Ita habemus rem definitam in simillimo casu, ubi is, qui se minorem annis læsum esse dicit, diligens paterfamilias fuerit actibusq; publicis industrium se docuerit, ut lapsus eum per ætatem verisimile non sit: rescribit Imperator: *Verum si causâ cognitâ circumventus deprehendatur, à solito auxilio removeri non debet. l. 1. C. qui & advers. quos in integr. rest. non poss.* Casum *Vinianus* disertè format: si minor in contractu, quem facit, dicat se læsum, & velit restitui, adversarius autem dicat, non esse verisimile eum deceptum esse, cum fuerit sapiens, industrius, & publicis actibus interfuerit: iudex ista considerare debet, ut sic concedat, vel denegat restitutionem in integrum, cum causa tamen talis non sufficiat, ut prorsus non restituatur. Sed si appareat eum evidenter esse læsum & circumventum, restituatur non obstante exceptione tali.

Quæ loco 2. 3. 4. 5. 6. opposita sunt, nihil officiant veritati legis siue comparationi minorum cum Republicâ. Comparatio est enim non omnimoda, aut per omnia juris de utrisque constituti capita extendenda: sed incertis tantum punctis. de cetero partim minus junatur Respublica, partim plus junatur, quam minores. quod singillatim ostenditur, *Exercit. 2. de Jure Reip. part. 2. l. P. Fritsch. à thes. 34. usq; ad 41.*

Ad 7. Videmus *Trentleri* sententiam singularem esse, & aliorum contra sententiarum auctoritate obrui. Videatur *laudata modo Exercitatio thes. 121. & seqq.*

Valent paulo ante dicta etiam aduersus 8. objectionem.

Nona (9.) etiam nihil habet roboris. restitutio in integrum, jus minorum dicitur siue in comparatione etiam Reipublicæ ad minores & pupillos refertur, ex præcipua quadam destinatione legislatoris & iudicis: ita ut in ipso nomine *minorum*, ratio æquitatis naturalis se conspiciendam & exaudiendam præbeat. Licet ergo ad maiores quoque ex certis causis restituendos hoc auxilium productum sit, apertior tamen ratio consuetudinem loquendi & comparandi ad jus minorum traxit. Atque hæc hæcenus paucis repetita, & ab aliis copiosius per tractata sunt.

PARS SECUNDA.

I.

Nunc videndum est, an etiam Respublica neminem agnoscens superiorem, aut Rex, aut populus liber, atrociter læsæ, restitui in integrum possint. Quo legem nostram Dd. non pauci producunt. Et *Ludovicus Molina* de contrariis tract. 2. disput. 574. §. 4. Respublica, inquit, instar minoris gaudet privilegio restitutionis in integrum, & eadem ratione Princeps non recognoscens superiorem, quod ad bona corona & fisci, quæ reputantur Reipublicæ bona, & vere sunt bona ejus Reipublicæ, quæ non est Monarchia, quæ unico Principe seu capite regatur. Secus autem res habet de bonis supremi Principis, quæ non possidet quatenus Princeps, & ut bona Reipublicæ, sed perinde ac ceteri privati sua bona possident.

II.

Vtimur autem & hic autoritate eorum qui ita sentiunt: non quod ex *L. 3. C. de Jure Reip. Lib. XI.* aut textibus Juris ciuilibis parallelis Princeps aut Respublica libera in integrum restitui possit: id enim actioni & Judicio in Jure Justiniano descriptis non est consentaneum. Sed existimamus concedendum hoc prudentibus, ut statuant, ad exemplum quo Respublica, Romanæ Reipublicæ subdita, restituitur, suo quoque modo restitui ipsam Romanam Rempublicam, siue Imperatorem Romanum, Regem aut populum liberum. In qua quidem comparatione magna versatur de cætero diuersitas: æqualitate in hoc tantum incumbente, vt sicut minores reponuntur in eum statum quo ante læsionem erant, ita Princeps aut populus circumuentus læsusue redeant in eum statum, quasi nihil, quo læsi sint, accidisset.

III.

Vnde nec apud Prætorem & Magistratum nec apud judicem, quem Reges & populi liberi nullum habent, fit hæc restitutio, sed ipse Princeps, ipsa se Respublica restituit.

IV.

Vt credatur autem hoc fieri posse remouenda est maxima dubitatio, quam nobis objicit communis Jurisconsultorum sententia, quod *Restitutio in integrum sit factus juris ciuilibus.* Controuersia autem Regum & liberiorum populorum, nullum communem judicem habentium, non tam jure ciuili, quam jure naturæ & gentium reguntur, aut, quia sic quoque non semper factis ex voto applicari hæc jura, aut arbitrari sententia ad effectum deduci possunt, armis disceptantur, Atque hac ratione

ratione contra Bodinum utitur *Hugo Grotius de l. B. l. 2. c. 14. §. 1.*

V.

Est interim sine dubio verior sententia altera, quæ restitutionem in integrum non juris modo civili sed etiam *Jure naturalis* esse statuit. in quo genere sæpè dissentiunt scriptores. Ita e.g. præscriptionem Jure tantum civili niti, communis; Jure naturæ eam fundari, verior sententia est. Et de restitutione in integrum quidem non fuerit arduum probare quod diximus. I enim in civili quoque juris restitutionibus in integrum *Ulpianus* ait, *prætores sequi aequitatem naturalem l. 1. D. de min.* Si ergo in priuatis & minoribus inter priuatos rebus æquitas naturalis parit jus civile de hoc auxilio extraordinario: Cur non valeat siue juris vim obtineat in majoribus publicisque Regum populorumque negotiis, quò jus civile pertingere non potest? II. Non Prætor tantum in Jure civili dixit, *quod vi metusue causæ gestum erit, ratum non habeo l. 1. D. quod met. caus.* Sed ante prætores ipsius naturæ hæc vox erat, quæ per vim metumque gesta, rata esse verabat. eademque opera restitui hoc pacto læsum volebat. Ita dolum & cetera, quæ restitutioni causam præbent, natura ultro damnat. III. non quidem extendi hoc cupimus ad omnes casus causasque, ubi Jus civile restitutionis auxilium expedire potest: sed ad omnia negotia & læsiones, ubi læsum restitui euidenter æquitas postulat. Huic enim parere vitam socialem gentium & populorum, verum est. IV. Si jure naturæ ipso actus irriti reddantur, quibus error & circumuentio originem dedit, sequitur quod restitutionem in integrum etiam natura præcipiat.

VI.

Quare Bodinus de Repub. lib. 1. cap. 8. statuit ex iisdem causis quibus priuatus ac subditus quisque in integrum, si capti sint, Principem posse restitui siue aliena fraude ac dolo siue errore siue metu circumuentus est, non tantum in iis quæ ad iura Majestatis imminuta, sed etiam in iis quæ ad priuata commota, rationesque domesticas attinent. sicut enim sibi potest ipsi jus dicere Princeps, ita & restituere seipsam potest. Ita in terminis Sfortias Oddus part. 1. quasi 3. artic. 14. Tom. 2. Tractatum de in integrum restitutionibus.

VII.

In hac Bodini sententia recipienda illud nolim admittere, quod ex omnibus causis, quibus priuati restituui possunt, etiam Princeps restituere se possit. Ciuilis enim lex ex arbitrio legislatoris & certis causis specialibus restitutionem decernere potest liberalius. At in Principum causis euidens & manifesta æquitas spectatur. Quapropter etiam læsio atrox extra omne dubium constituta esse debet, ut huic remedio locus sit: &, si fieri potest, Principi suadendum est, ut peritorum iudicium audiat, qui nullo ipsi sacramento obligantur, modo quo fieri potest tutissimo: tum ut famæ suæ studiosissime rationem habeat, ne calliditate potius & iniustitiâ, quam extraordinario & necessario jure usus esse videatur.

VIII.

In hac quæstione autem ita incedunt, ut hanc regulam ponant: in quibus Princeps decessor se restituere, reuocatis in irritum, quæ fecerat, potest: in iis etiam successor, ad quem heres factio decessoris contracta pertinet, se & Rempublicam restituere potest.

IX.

In donationum immodicarum, unde Respublica laeditur, exemplo plerique consentiunt. Videri possunt exempla apud Arnisaum de jure Maj. lib. 1. cap. 7. §. 7. & Gratium de Jur. B. 2. 14. 12. in Not. In Galliis anno 1560. in principio regiminis Caroli IX. Regis ordines rogati sunt voce Cancellarij Hospitalij, ut dissoluendi aris alieni à superioribus Regibus contracti ratio inter eos iniretur; hoc addito, minime recusare Regem, & circa eum procures, quin si compariatur nimis donationibus & immensis largitionibus exhaustum ærarium, ad earum restitutionem, qui acceperunt compellantur. apud Thuan. l. 27. p. 12. Anno 1480, Toletii in Hispania generales conventus agitati omnino frequentes. Voces liberae fuerunt & plenae expostulationum: nobiles in tenuiorum fortunas grassari populi conquerebantur, eorum auaritia regum ærarium exhaustam, occupata vectigalia, imperari noua indies, magnâ Prouinciæ calamitate. Dati in causa judices, ab Henrico Rege factas imprudenter donationes aut temporum necessitate extortas, injustas fore pronuntiarunt. apud Io. Marianam Hist. Hisp. Lib. 24. c. 21.

X.

Allata exempla ad donationes potissimum pertinent. ad quas Principes possunt induci deceptorii persuasionibus, ita ut maximo ipsi denique damno afficiantur, & status Reipublicæ periclitetur. Text. elegans in L. 1. C. de petit. bonor. sublat. lib. X. ibi. quoniam plerunque ita in nonnullis causis inuerecunda petentium inhiatione constringimur, ut etiam non concedenda tribuamus, nec Rescripto quidem nostro aduersus formam lata legis, loci aliquid relinquatur: Quo casu absurdum non est, restitui Principem à seipso & reuocari ad irritum, quibus non subest ratio.

tio. Imo Jure constitutum est, ut Rescripta etiam Imperatoria contra Jus elicita, ab omnibus Judicibus refutentur. *l. Rescripta. 7. C. de precib. Imperat. offerend.* Et quæ contra Jus vel utilitatem publicam postulata vel impetrata sunt, non effectu tantum careant sed & severitate digna puniantur. *l. 5. & 1. t. C. si contra Jus vel. utilitat. publ.* Certè successores non teneri aut obligari in detrimentum Reipublicæ irreparabile; verius est. Ostandit hoc multis auctorum testimoniis *Vasquius in controversiis illustribus L. 1. cap. 4. § 1. & 4.* quam sententiam eo producit, ut contra DD. communem sententiam, ne Ecclesiæ quidem donari, concedi, alienari à Principe regnorum suorum bona cum magna regni læsione posse statuatur *Cont. Illust. L. 1. c. 6. § 24.* sed quo minus ad extremum & extraordinarium hoc remedium decurratur, quin immemorialis temporis intercessu impediri queat, vix dubitari potest. vid. *Auth. quas actiones C. de Eccles.* Cumque Principibus cuncta rerum ad famam dirigenda sint, temperamentis quibusdam facile via aperiatur. e. g. si non omnia donata repetantur, sed pars siue major siue minor, prout necessitas reipublicæ efflagitauerit: si illis, qui donatis exuuntur, alii fauces Reipublicæ innoxii, quasi in vicem conceduntur: & si quæ hujus generis solatia excogitari possunt.

XI.

De Privilegiis ejusdem generis disputatio est. Ponamus casum. A Principe sub & obreptitiæ tor privilegia immunitatis, à tributis & vectigalibus aliisque exactionibus, fuerint emendicata, ut fiscus & ærarium tandem nec statui Principis sustinendo, nec erogationibus publicis necessariis sufficiant. Hic quia & læsio Reipublicæ

blicæ siue regni est enormissima & casus necessitatis euidentissimus, & immunitates aduersus casum insolitum & necessitatem non validè allegantur (*V. Gail. lib. 2. obseruat. 52. §. 27. & seqq.*) Videtur Princeps in eum statum redire in quo ante læsionem erat, distante huius jurisrationem salute Reipublicæ quæ suprema lex est, cuius nutu etiam temperamenta regi debent. Nam & ea, quæ ex causa onerosa, aut ob benè merita concessa dicuntur, non statim hoc nomine æstimari fas est, cum neque hæc desinant esse gratuita, & illa sæpè titulo lucratiuo censeantur, quæ oneris nomine allegantur. quæ de re nobilis est disputatio in *Francisci Kinschotii Responso XXXVII. immunitas à vectigalibus an & qualiter vi priuilegij & concessionis principalis acquiri possit?*

XII.

Facilior erit hic casus: Si Princeps exteris concesserit priuilegia præsertim in commerciis & negotiationibus, quæ priuilegia postea incipiant ciuibus & regnicolis, totique regno damnosa fieri. Restitutus videbitur Princeps in statum quo fuit ante concessa illa priuilegia. Ita *Albericus Gentilis* de suis temporibus contendit, de jure belli L. 3. c. 16. *non fieri Hanseaticis ciuitatibus injuriam, si, quæ illis tributa sunt priuilegia ab Anglis Regibus, nunc imminuantur. Cum nec uinci possint oneroso prorsus concessa titulo, & in grauissimum ipsorum Anglorum mercatorum exeant damnum adeoq; & in iniquitatem: dum externos meliori facerent conditione quam suos: addenda sunt cetera quæ sequuntur. Addi possunt quæ ipsa Regina Angliæ respondit apud Camden. part. 4. in ann. 1595. p. 652. & 653.*

XIII.

Et Aulici quidem in Anglia summam juris rationem

nem in eo constituebant, ut Reipublicæ læsionem vel præueniri vel emendari, quo licet modo, fas esse ducant. Hinc animose & citra hæitationem decernunt: *Omnes contractus cum Principe intelliguntur admittere interpretationem bonæ fidei, neq; Princeps tenetur ex suo contractu, quando ex iusta causa contractus cedit in publicum detrimentum. Princeps contractui celebrato, in causa respiciente statum suum, non tenetur, si in præjudiciũ & detrimentum subditorum vergat. omnis conuentio quantumvis iurata intelligitur, rebus in eodem statu permanentibus non autem illis mutatis: Fortius obligatur Princeps Reipublica quàm propria promissioni. apud Camden. part. 4. ann. 1595. p. 650.*

XIV.

An & quomodo Principes vel Respublica libera ex contractibus cum subditis in ius teneantur & obligentur? Interpretes ut plurimum volunt Principem ex contractu cum subditis inito, Jure tantum naturali seu gentium ex consensu obligari, arg. l. cum amplius 84. §. 1. D. de R. I. junct. L. Stichum 95. §. 4. D. de solut. & Liber. Non vero ciuilitè, cum ciuilibus præceptis Princeps censeatur esse solutus, ut videre est apud Abbat. Felin. & Dec. in cap. 1. X. de probat. Sed Molin. in addit. ad Dec. in d. cap. 1. & Bald. ad L. 31. D. de L. L. existimant, Principes vel Respublicas non solum naturaliter sed etiam ciuilitè & efficaciter ex contractu cum subditis inito obligari, ne alias omni commercio eximantur. *exempl. L. quod si minor. 24. §. 1. D. de minor.* Cui accedit quod contractus constent arithmetica proportionè, quæ in computatione commerciorum æqualitatem plane exigit, nec considerat an Rex quis sit vel subditus, diues vel pauper, sed vult, contrahentes ultro citroque æqualiter obligari,

ri, ne contractus ex altera parte claudicent. *fac. l. cum Emptor. §. D. de rescind. vendit. L. Labeo 19. D. de V. S. Wesenb. paratitl. D. de Constit. Princip. n. 26.* ubi dicit, Principem instar Priuatorum ex contractibus teneri, etiam quando cum subditis contrahit. Quo in loco *Bachov in not.* statuit, ab objecto totam rem dependere, Rem enim omni dubitatione carere, si de re Principis quærat^rur Patrimoniali; sed si negotium & causa concernat statuta & Jura publica, non sine ratione quæri posse, an subditi sint habiles personæ, quæ cum Principe contrahere possint, & an Princeps stare conuentis teneatur, præp^rimis, si hæc aliqua ratione fuerint Principi à populo, arma & defectionem minitante, extorta?

XV

Si igitur de Restitutione aduersus contractus, cum subditis initos dicendum, necesse omnino est, ut de validitate contractuum constet, qui, si non obligarent, nulla opus haberent restitutione; Fundamentum nostrum esto, Principem Legibus viuere, sed publicis, maxime ea, quæ suprema est, sc. Populi salute, qua periclitante, uti Dominus est rerum priuatarum eminenter, iisque uti potest ad publicam rem, ita & multo magis restituet se, si contractu suo Rempublicam læsisse diceretur: sed nos mouemus pedem.

XVI.

In pactiõibus tamen pacis etiam si alteri parti damnosæ, liberalis nemo debet esse interpret, siue pro eo qui pactus est, siue pro successoribus. Graues sunt rationes quas *Albericus Gentilis* explicat *de I. B. l. 3. c. 22.* 1. *pactiões de pace ne fieri quidem posse nisi successores obligarentur.* 2. *has utiles regnoscenseri.* damna enim quæ maioris

XA.

ris mali vitandi causa suscipiuntur, exuere naturam damni & in lucro deputari. 3. *Licet inter priuatos amicitia & societas ad successores non transeat, juris tamen publici aliam esse rationem, quia populus semper idem censetur.*

XVII.

An Principes Imperij jure minorum restituendi veniant, disputatur in utramque partem in consultatione Camerali, quæ est apud Klokium XXX. à pr. usque ad n. 7. & n. 131. usque ad 134. subscribere placet affirmatiuæ.

XVIII.

Quæri etiam potest, an *Principes Sacri Romani Imperij Electores per priuilegium Aureæ Bullæ cap. 13. pro restitutis in integrum ipso jure contra omnia priuilegia ipsos ledentia haberi debeant*? Ita dicendum videtur, si præsertim sententia declaratoria accesserit. idque propter verborum perspicuitatem, asseuerationem, cumulationem. Nam, an potuerit Imperator Carolus hoc facere, dubitare cum Carpouio (*de L. Reg. c. 3. sect. 14. §. 24.*) non audeo: cum præsertim querelam hac de re motam non legamus, & hæc lex lata sit in præsentia omnis generis ordinum in solenni Curia. Accedit quod Commentatores, difficultatem, quam mouent, ipsi soluunt, & ad extremum farentur, Imperatorem & Antecessorum & Successorum suorum priuilegiis, etiam quæ vulgo irrevocabilia habentur, derogare ex causa utilitatis publicæ posse. Sicut videre licet apud Arumæum, & Rümelinum, Mylerumq., ad c. d. A. B. Quin autem Carolus Legislator existimauerit, ad summam rem publicam pertinere, Electorum priuilegia esse quàm munitissima, nemo dubitabit, qui institutum legislationis totius A. B. & consilium Imperatoris expenderit.

XIX.

Grauiſſima omnium quaſtio eſt de Legatis & inter-
nuntiis, ſi Rex dicat: *ſe aliter & aliam mandaſſe, legatos
autem terminos mandati egreſſos eſſe, atque adeo ſe non teneri
eorum facto, ſed potius reſtitutioni in integrum repertam
apertamque eſſe viam.* Conqueretur altera pars & dicet:
*Legatus attulit literas fidem facientes, quas credentiales ap-
pellant, igitur bona fides requirit, ut facto ejus obligetur Rex
mittens, qui obligari ſe velle iis, qua legatus egerit, ſemel
profeſſus eſt. Si quid ſecretius & in arcano mandauit, id ſi-
cut extra ſcientiam ejus, ad quem miſſus eſt verſatur, ita
fraudi ei eſſe nec poteſt nec debet. Regis mittentis aduerſus
legatum à ſe miſſum illa quaſtio eſt ſeorſim: nec rumpendis
conuentis adhiberi poteſt. Iure communi inter humanas
gentes receptum eſſe, ut qui prapoſitus eſt negotiis obliget pra-
ponentem ex instrumento generali; etiam ſi fecerit contra vo-
luntatem praponentis ſibi ſoli ſignificatam. vid. Grotius
de I. B. lib. 2. c. 11. §. 12.*

XX.

Excipiet Rex qui miſit legatum: *mandatariorum de-
liſto, mandantibus leſionem contrahi, citra reſtitutionem in
integrum, omni auro iniquum habitum, & legatione ple-
rarumque gentium ciuili veritum. Mali exempli & publi-
ce noxi eſſe, ſi Regnorum & Rerum publicarum ſalus à mini-
ſtrorum, qui varie corrumpi poſſint, fide ſuſpendatur. In has
anguſtias nunquam redactos eſſe Reges, neq. redigi poſſe. Vbi
leſio euident, ibi reſtitutio: non tam ex jure Juſtiniano, quan-
quam aequitatis ſtudioſiſſimo, ſed ex ipſo Naturæ atque gen-
rium jure.*

XXI.

Ingens & per omnia negotii momenta memorabile
exemplum habet hiſtoria ſuperioris ſæculi, anno 1503.
Philipus Archidux Aſtriæ, cum à Socero Ferdinando

Catholico discedens, per Galliam iter destinasset & facultarem petiisset ac impetrasset pacificandi cum Rege Galliae Ludouico XII. rem eo deduxit, ut compositis pacis conditionibus, omnia lætitia complerentur, & tam à Rege Galliae quàm ab ipso Philippo mitteretur ad utrumque exercitum Gallicum & Hispanicum, qui in Regno Neapolitano castra castris opposita habebant, ut ab armis cessaretur pace jam confecta. Non paret Dux Hispanus, Gonsalvus: causatus, se inconsulto Rege Ferdinando hoc rerum articulo arma ponere non posse: qui & mox clade memorabili Gallos affecit, & Neapoli denique exegit. Hinc querela Regis Galliae, qui se delusum suspicabatur, ipsiusque Philippi cum Soceris expositatio per literas. Noluit enim ex Gallia discedere, donec hæc ignominia suo nomini, ut existimabat, facta deleretur, & publicè patefieret, quod omnia bona fide & serio egisset. Quæ spes eum frustra habuit. Ferdinandus enim Catholicus testabatur, Philippum excessisse terminos mandati, igitur negotiatione ejus nequaquam se obligari, sed omnia sibi esse integra, idque ut demonstrarent, alios legatos misit in Galliam, qui tamen hætenus tantum admissi sunt, ut præsentem Rege Galliae, Philippus cum ipsis, & ipsi cum Philippo exposcularent. Vnde Philippi ex hac contentione in morbum relapsi innocentia patuit. Vltior autem de pace negotiatio, legatis intra triduum Gallia excedere jussis, non accepta est.

XXII.

Non acquieverit sanè aliquis *Petri Martyris de Angleria*, viri cetera grauis & prudentis, qui tum in aula Hispanica erat, judicio, qui ita refert *lib. 16. Epist. 257. Galli se fuisse à nostris oppressos sub pacis umbra, quam dicunt jecisse Regio nomine Philippum, Generum Regum & Archiducem*

Lugdun.

Lugduni, cum Rege Gallorum, & voce præconum edicto per Lugdunenses plateas prolato, conqueruntur. Nostri sermones eorum derident. futilia namq; nulliusq; momenti esse ad rem, quod Lugduni per Philippum de pace fuerit actum, & tunc præcipue, quando Hispanos esse in armis ad propulsandas veteres Gallorum injurias paratos cerneret. Imparatos autem ajunt Galli se fuisse ab Hispanis interceptos, paratissimos autem nostros exiluisse ac manus conseruisse collatis signis. Nec quicquam quod ad infestissimos hostes attineat prætermisisse Gallos, nostri probant: sub induciarum aut pacis umbra, an viuo Marte id acciderit, ipsi viderint. Exitus, qui judex est rerum æternus, loquatur. Hæc dixisse, inquam, non suffecerit.

XXII.

Cæterum à doli suspicione Ferdinandum Catholicum Regem sedulo purgat ipsa mandatorum Philippo datorum formula, *Angusta* scilicet, & *quam transilire nefas esset*, ut annotat, *Ioannes Mariana Histor. Hispan. lib. 27. c. 19.* Nam & ab initio plane recusaverat Philippo petenti facultatem pacificandi, si fortè Rex Gallus æquam videretur appetere. Neque enim satis fidebat genero, ex notis discordiis & multo minus ejus aulicis. Digresso autem Philippo statim formulam perscriptam submisit per Bernardum Builium Abbatem, qui etiam cum tractatio incepta esset, Principem monuit, ne excederet mandata, ni irrita fieri vellet, quæcunque agerentur. Philippi mirabilem confidentiam miratur Mariana. Ille autem dicebat, se secutum prima mandata generalia scilicet subscriptione & jurejurando Regali Ferdinandi & Conjugis unita. Posteriora & Specialiora mandata per Abbatem submissa subscriptione Regia caruisse. Elegans Quæstio: *an non submissa post mandata & voce secreti ac legalis ministri explicata, pro parte mandatorum summam negotij complexo-*

Quæstio.

rum haberi, & eandem auctoritatem obtinere debeant? quam affirmativè Jurisconsulti Hispani definiuerunt. Rectè ut arbitror. Et, quæ est negotiorum humanorum fragilitas, Regem Catholicum stricto jure utentem, arduum fuerit accusare: Philippo, qui nimia fiducia, nulla fraude aut calliditate rem gessit, lubenter quivis ignoscendum ducat; Rex Galliæ certè innoxium non credidit tantum, sed ipsis prope manibus palpavit. Gonsalvum Fernandum facile excusant mandata quæ à Rege suo habuit accuratissima. Videatur *Pontus Heuterus Histor. Austr. lib. 6. cap. 5. & Speculum Honoris Austriaci Fuggerianum p. 1141. & Gerardus de Roo*, qui nullum partium studium ostendit *Histor. Austr. Lib. II.* Cumque suspicionibus in re tanta & inter tantos acta locus esse nequeat, quantum ex Historia & negotii circumstantiis intelligi potest, hoc est rarissimum exemplum, ubi nihil ex ullâ parte, calumniæ quod agat, relictum est.

XXIV.

Possitne restitutioni locus esse, etiam in enormissimâ latione, si juramentum intervenierit, quæri solet? Equidem sanctitas jurisjurandi magna religione conseruanda est, in quantum fieri potest. Quare & hic in negativam plurimi eunt, quos consignat *Vasquius Controv. Illust. l. i. c. 2. §. 17.* Quia tamen juramentum non debet esse vinculum iniquitatis, neq; bonis moribus contraria firmare, etiam in alteram partem non desunt auctoritates, ita ut hic, *communis contra communem* laudetur *ibidem*. Cum temperamento; *ut nimirum petatur relaxatio juramenti, & ad eam pars citetur. ibid. videatur omnino D. Joh. Petr. de Ferrarijs de rest. in integ. p. 195. & 196. Tom. 3. Tractatum de rest. in integ. D. Io. Mauric. de rest. in integ. Cap. 121. Tom. I.*

F I N I S.

...tione debent:
...ni definiuerunt.
...rum humanorum
...iure utentem, ar-
...imia fiducia, nul-
...lubenter quibus
...rtē Innoxium non
...us palpauit. Gon-
...mandata quæ à Re-
...tur Pontus Hentius
...ngrius Aufriaci Epi-
...ui nullum partium
...i. Cumque suspi-
...acta locus esse ne-
...gotii circumstantiis
...emplum, ubi nihil
...elictum est.

In iuramento
...i solet? Equidem san-
...conseruanda est, in
...negatiuam plurimi
...v. Illust. l. i. c. 2. §. 7.
...et esse vinculum ini-
...ria firmare, etiam in
...ates, ita ut hic, com-
...idem. Cum tempera-
...iuramenti, & ad eam
...D. Ioh. Petr. de Ferreris
...atum de res. in iur.
...Tom. 1.

rum haberi, & eandem auctoritatem obtinere debeant?
 quam affirmativè Jurisconsulti Hispani definiuerunt.
 Rectè ut arbitror. Et, quæ est negotiorum humanorum
 fragilitas, Regem Catholicum stricto jure utentem, ar-
 duum fuerit accusare: Philippo, qui nimia fiducia, nul-
 la fraude aut calliditate rem gessit, lubenter quivis
 ignoscendum ducat; Rex Galliæ certè innoxium non
 credidit tantum, sed ipsis prope manibus palpavit. Gon-
 saluum Fernandum faciliè excusant mandata quæ à Re-
 ge suo habuit accuratissima. Videatur *Pontus Heuterus*
Hist. Austr. lib. 6. cap. 5. & Speculum Honoris Austriaci Fug-
gerianum p. 1141. & Gerardus de Roo, qui nullum partium
 studium ostendit *Hist. Austr. Lib. 11.* Cumque suspi-
 cionibus in re tanta & inter tantos acta locus esse ne-
 queat, quantum ex Historia & negotii circumstantiis
 intelligi potest, hoc est rarissimum exemplum, ubi nihil
 ex ullâ parte, calumniæ quod agat, relictum est.

XXIV.

Possitne restitutioni locus esse, etiam in enormissimâ la-
sione, si juramentum intervenierit, quæri solet? Equidem san-
 ctitas jurisjurandi magna religione conseruanda est, in
 quantum fieri potest. Quare & hic in negatiuam plurimi
 eunt, quos consignat *Vasquius Controv. Illust. l. i. c. 2. §. 17.*
 Quia tamen juramentum non debet esse vinculum ini-
 quitatis, neq; bonis moribus contraria firmare, etiam in
 alteram partem non desunt auctoritates, ita ut hic, *com-*
munis contra communem laudetur *ibidem*. Cum tempera-
 mento; *ut nimirum petatur relaxatio juramenti*, & ad eam
 pars citetur. *ibid.* videatur omnino *D. Joh. Petr. de Ferrarijs*
de rest. in integ. p. 195. & 196. Tom. 3. Tractatum de rest. in in-
teg. D. Io. Mauric. de rest. in integ. Cap. 121. Tom. 1.

F I N I S.

...debeant
...definiuerunt.
...humanorum
...iure utentem, ar-
...vimia fiducia, nul-
...lubenter quibus
...Innoxium non
...palpauit. Gon-
...mandata quæ à Re-
...Pontus Hentemus
...Angriis Austriaci Pog-
...nullum partium
...Cumque suspi-
...acta locus esse ne-
...gotii circumstantiis
...emplum, ubi nihil
...elictum est.

...in *exemplum* mila-
...i solet? Equidem san-
...conseruanda est, in
...negatiuum plurimi
...ov. Illust. l. i. c. 2. §. 17.
...et esse vinculum ini-
...ria firmare, etiam in
...ates, ita ut hic, com-
...dem. Cum tempera-
...mentum, & ad eam
...D. Joh. Petr. de Ferrarj
...atum de ressi, in
...Tom. 2.

S.

rum haberi, & eandem auctoritatem obtinere debeant?
 quam affirmativè Jurisconsulti Hispani definiuerunt.
 Rectè ut arbitror. Et, quæ est negotiorum humanorum
 fragilitas, Regem Catholicum stricto jure utentem, ar-
 duum fuerit accusare: Philippo, qui nimia fiducia, nul-
 la fraude aut calliditate rem gessit, lubenter quiuis
 ignoscendum ducat; Rex Galliæ certè Innoxium non
 credidit tantum, sed ipsis prope manibus palpauit. Gon-
 saluum Fernandum faciliè excusant mandata quæ à Re-
 ge suo habuit accuratissima. Videatur *Pontus Heuterus*
Histor. Austr. lib. 6. cap. 5. & Speculum Honoris Austriaci Fug-
gerianum p. 1141. & Gerardus de Roo, qui nullum partium
 studium ostendit *Histor. Austr. Lib. 11.* Cumque suspi-
 cionibus in re tanta & inter tantos acta locus esse ne-
 queat, quantum ex Historia & negotii circumstantiis
 intelligi potest, hoc est rarissimum exemplum, ubi nihil
 ex ullâ parte, calumniæ quod agat, relictum est.

XXIV.

Possitne restitutioni locus esse, etiam in enormissimâ la-
sione, si juramentum interuenerit, quæri solet? Equidem san-
 ctitas jurisjurandi magna religione conseruanda est, in
 quantum fieri potest. Quare & hic in negatiuam plurimi
 eunt, quos consignat *Vasquius Controv. Illust. l. i. c. 2. §. 17.*
 Quia tamen juramentum non debet esse vinculum ini-
 quitatis, neq; bonis moribus contraria firmare, etiam in
 alteram partem non desunt auctoritates, ita ut hic, *com-*
munis contra communem laudetur *ibidem*. Cum tempera-
 mento; *ut nimirum petatur relaxatio juramenti, & ad eam*
pars citetur. ibid. videatur omnino D. Joh. Petr. de Ferrarijs
de rest. in integ. p. 195. & 196. Tom. 3. Tractatum de rest. in in-
teg. D. Io. Mauric. de rest. in integ. Cap. 121. Tom. 1.

F I N I S.

...debeant:
...definiuerunt.
...humanorum
...iure utentem, ar-
...imia fiducia, nal-
...lubenter quibus
...rtē Innoxium non
...us palpauit. Gon-
...mandata quæ à Re-
...tur Pontus Henterui
...ngrius Aufriaci Pag-
...ui nullum parium
...t. Cumque suspi-
...acta locus esse ne-
...gotii circumstantiis
...emplum, ubi nihil
...elictum est.

...in casu? Quia le-
...i solet? Equidem sta-
...conseruanda est, in
...negatiuam plurimi
...v. Illust. l. i. c. 2. §. 7.
...et esse vinculum ini-
...ria firmare, etiam in
...ates, ita ut hic, com-
...dem. Cum tempera-
...iuramenti, & ad eam
...D. Iob. Petr. de Ferreris
...statutum de res. in iu-
...at. Tom. 2.

S.

rum haberi, & eandem auctoritatem obtinere debeant?
quam affirmative Jurisconsulti Hispani definiuerunt.
Rectè ut arbitror. Et, quæ est negotiorum humanorum
fragilitas, Regem Catholicum stricto jure utentem, ar-
duum fuerit accusare: Philippo, qui nimia fiducia, nul-
la fraude aut calliditate rem gessit, lubenter quiuis
ignoscendum ducat; Rex Galliæ certè innoxium non
credidit tantum, sed ipsis prope manibus palpauit. Gon-
saluum Fernandum facile excusant mandata quæ à Re-
ge suo habuit accuratissima. Videatur *Pontus Heuterus*
Histor. Austr. lib. 6. cap. 5. & Speculum Honoris Austriaci Fug-
gerianum p. 1141. & Gerardus de Roo, qui nullum partium
studium ostendit *Histor. Austr. Lib. 11.* Cumque suspi-
cionibus in re tanta & inter tantos acta locus esse ne-
queat, quantum ex Historia & negotii circumstantiis
intelligi potest, hoc est rarissimum exemplum, ubi nihil
ex ullâ parte, calumniæ quod agat, relictum est.

XXIV.

Possitne restitutioni locus esse, etiam in enormissimâ la-
sione, si juramentum interuenerit, quæri solet? Equidem san-
ctitas jurisjurandi magna religione conseruanda est, in
quantum fieri potest. Quare & hic in negatiuam plurimi
eunt, quos consignat *Vasquius Controv. Illust. l. i. c. 2. §. 17.*
Quia tamen juramentum non debet esse vinculum ini-
quitatis, neq; bonis moribus contraria firmare, etiam in
alteram partem non desunt auctoritates, ita ut hic, *com-*
munis contra communem laudetur *ibidem.* Cum tempera-
mento; *ut nimirum petatur relaxatio juramenti, & ad eam*
pars citetur. ibid. videatur omnino D. Ioh. Petr. de Ferrarijs
de rest. in integ. p. 195. & 196. Tom. 3. Tractatum de rest. in in-
teg. D. Io. Mauric. de rest. in integ. Cap. 121. Tom. I.

F I N I S.